

04. okt. 2013

9.4.4

Tilv. V5720121200156

# Samningur um umsjón Hverastrytur á botni Eyjafjarðar, Arnarnesstrytur og Ystuvíkurstrytur

1. gr.

## Samningsaðilar

Umhverfisstofnun, kt. 701002-2880 og Erlendur Bogason kt. 130363-4669 gera með sér samning um umsjón og rekstur náttúruvættisins hverastrytur á botni Eyjafjarðar (Ystuvíkurstrytur) og hverastrytur á botni Eyjafjarðar norður af Arnarnesnöfum (Arnarnesstrytur) í samræmi við 30. laga um náttúruvernd, nr. 44/1999. Náttúruvættin eru einstök náttúrufyribæri og felst verndargildi þeirra í myndun hverastrytanna, efnasamsetningu, útliti og lögun, fjölbreytileika og sérlega miklu lífríki sem hefur hátt vísinda-, fræðslu- og verndargildi.

2. gr.

## Markmið samningsins

Markmið samningsins er að umsjón og rekstur náttúruvættanna sé í samræmi við lög um náttúruvernd nr. 44/1999 og reglur þær sem um náttúruvættin gilda sbr. auglýsingar um friðlýsingarnar í B-deild Stjórnartíðinda nr. 510/2007 og nr. 249/2001.

3. gr.

## Mörk náttúruvættanna

Mörk náttúruvættanna eru sýnd á meðfylgjandi uppdráttum, en þar sem mörkin liggja næst landi er miðað við netlög, þ.e. 115 m frá stórstraumsfjöruborði. Stærð náttúruvættanna og staðsetning er skilgreind með eftirfarandi hætti í auglýsingum:

Við Ystuvík u.þ.b. 65°49,73 N; 18°06,69 V. Hringur þar frá með 200 m radíus.  
Við Arnarnesnöf alls 101 ha. sem markast af neðangreindum hnitum:

	Gráður		ISN93	
	N-læg breidd	V-læg lengd	y-hnit	x-hnit
Nv	65°52'50"	18°14'00"	598389	534971
Na	65°52'50"	18°13'00"	598398	535734
Sa	65°51'55"	18°13'00"	596693	535755
Sv	65°52'03"	18°14'00"	596933	534991

Myndin sýnir mörk náttúruvættisins Ystuvíkurstryta:



Kis

Myndin sýnir mörk náttúruvættisins Arnarnesstrýta:



4. gr.

#### *Verndaráætlun*

Umhverfisstofnun skal vinna að gerð verndaráætlunar, og endurskoðun hennar, í samræmi við d lið 6. gr. laga um náttúruvernd, nr. 44/1999.

5. gr.

#### *Umsjón og rekstur*

Erlendur Bogason sér um daglega umsjón náttúruvættanna og tilkynnir til Umhverfisstofnunar ef röskun hefur orðið á svæðunum. Umhverfisstofnun sér um annan rekstur náttúruvættanna í samráði við umsjónaraðila og ráðgjafanefndir um náttúruvættin. Málefnum sem upp kunna að koma og kalla á sérstakar ráðstafanir, leyfisveitingar eða aðrar stjórnvaldsákvæðanir, ber að vísa til Umhverfisstofnunar

6. gr.

#### *Fræðsla*

Umhverfisstofnun sér um útgáfu fræðsluefnis fyrir náttúruvættin, svo sem bæklinga og skilti, í samstarfi við sveitarfélagið Hörgársveit í tilfelli Arnarnesstrýta.

7. gr.

#### *Mannvirkjagerð og aðrar framkvæmdir*

Mannvirkjagerð, jarðrask og aðrar breytingar á svæðunum eru óheimilar nema til komi leyfi Umhverfisstofnunar og sveitarstjórnar Hörgársveitar þegar við á. Öll efnistaka í nágrenni við strýturnar og innan marka náttúruvættanna er óheimil. Hvers konar eldi sjávarfangs er óheimil innan marka verndarsvæðanna.

KJA

8. gr.

*Skipting kostnaðar*

Um skiptingu kostnaðar vegna sérstakra verkefna skal samið hverju sinni.

9. gr.

*Skýrslugerð*

Erlendur Bogason skal gefa Umhverfisstofnun skýrslu ár hvert um ástand, framkvæmdir og aðra starfsemi innan marka náttúruvættanna. Skila skal skýrslu til Umhverfisstofnunar í lok hvers starfsárs. Í skýrslunni skal tilgreina ástand náttúruvættanna, fræðslu, gestafjölda, umgengni, framkvæmdir og kostnað af þeim og annað sem kann að skipta máli varðandi náttúruvættin.

10. gr.

*Eftirlit Umhverfisstofnunar*

Umhverfisstofnun hefur eftirlit með því að umsjónaraðili uppfylli samningsskuldbindingar í samræmi við samning þennan, þær reglur sem gilda um náttúruvættið sbr. auglýsingar um friðlýsingarnar í B-deild Stjórnartíðinda nr. 510/2007 og nr. 249/2001 og gildandi verndaráætlanir.

11. gr.

*Gildistími*

Gildistími samnings þessa fyrir náttúruvættin er 5 ár frá undirritun og staðfestingu umhverfisráðherra.


12. gr.

*Ákvæði um endurskoðun*

Hvor samningsaðili fyrir sig getur óskað eftir endurskoðun á samningi þessum hvenær sem er. Þó skal endurskoða samninginn eigi síðar en að þremur árum liðnum.

Reykjavík 9. september 2013

F.h. Umhverfisstofnunar

  
Kristín Linda Árnadóttir  
forstjóri

  
Erlendur Bogason

Staðfesting umhverfisráðherra:

  
Sigurður Ingi Jóhannsson

Vottar:

